



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Licentiæ exhumandi cadaver Formula VII.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

de exempt. regular. tract. 13. quest. 32. num.
15. in fin.

10. Et non solum potest Episcopus hoc Regularibus prohibere, ne privilegio Mendicantium fraude abutantur: Sed inhibere, ut eleemosynas non quærant per alios, quàm sui Ordinis Religiosos, vel Oblatos, prout pluries Sac. Congr. Concilii declaravit teste Fagnan. in cap. Tuorum n. 3. de privileg. & in dicio cap. Cum ex eo n. 30. vers. itaque de poenit. & remiss. Nicol. lucubr. Can. lib. 5. tit. 39. n. 171. vers. Item nullibi, ubi quod in hoc dispensari non possit, nisi si licentia specialis Papæ concurrat, & a legat aliud Decretum.

11. Verùm cum PP. Augustiniani Terræ Mondulphi Senogallien. Diœcesis opponente Capitulo Collegiatæ dicti loci proponi curassent in Sac. Congr. Episcoporum, & Regularium Dubium -- An ipsi PP. competeret jus quæstuandi in Terra, & Territorio Mondulphi, die 17. Januarii 1692. ad relationem Eminentissimi Card. de Abdua prodit rescriptum -- Possent Regulares Mendicantes quæstare per se ipsos, & ad suam utilitatem: Per seculares autem non posse, nisi de licentia Episcopi.

12. Decretum igitur allegatum à Nicolio quo prohibetur, quod non possint Regulares dispensari, ut per alios eleemosynas quærant, nisi per Papam, videtur intelligendum universaliter; non autem localiter pro aliquo Conventu, causa rationabili concurrente, ad evitandam contrarietatem: Vel melius dicas illud intelligi debere de Regularibus Mendicantibus, qui de vera mendicitate vivunt; hoc verò secundum de Mendicantibus capacibus bonorum, & reddituum.

Licentiæ exhumandi Cadaver.

FORMULA VII.

S Y M M A R I V M.

- 1 Licentia exhumandi Cadavera Clericorum pro recognitione corporis delicti est impetranda à Sac. Congregatione immunitatis.
- 2 Licentia exhumandi corpora Laicorum pro recognitione corporis delicti conceditur à solo Episcopo, quamvis reperiantur sepulta in Ecclesiis Regularium.
- 3 Licentia exhumandi Cadavera pro recognitione facienda potest ab Episcopo absolutè denegari.
- 4 Protestatio contenta in licentia Episcopi, contenta juxta dispositionem Text. in cap. Prælati de homicid. in sexto, fit ad cautelam, non ex necessitate.
- 5 Episcopus juxta opinionem D. Raynald. potest concedere licentiam, ut recognitio fiat in loco immuni non sacro.
- 6 Episcopus non potest dare licentiam Judici Laico, ut recognitio corporis delicti fiat in loco immuni, & contra sententiam Raynald. afferuntur Decreta Sac. Congregat. & n. 7. 8. & 9.
- 10 Licentia, quæ conceditur jure delegato examinandi testes in loco immuni fit cum clausula -- Dummodò vulnerator spontè se supponat examini.
- 11 Recognitio corporis delicti in persona Religiosi potest fieri à Curia Episcopali.

N. Episcopus N.

Dilecto N. Parocho Ecclesiæ N.

EXpositum Nobis fuit ex parte N. Judicis Sæcularis in præfata Ecclesia fuisse diebus elapsis tumulatum Cadaver cujusdam N. Laici violentè occisi, & pro justitiæ complemento expedire, ut illud recognoscatur, & ided petiit per Nos licentiam concedi. Nos petitioni hujusmodi in hoc casu inclinati præmissa

Monacelli Form. Pars I.

N 3 pro-

protestatione, quod per hoc non intendimus contra reum ad pœnam sanguinis deveniri, dicto D. Judici Cadaver exhumandi, informationemque pro delicto in genere cum illius inspectione, & recognitione assumendi, Tibique exhumationi prædictæ consentiendi, dummodò dictum Cadaver extra dictam Ecclesiam, & locum immunem ad prædictum effectum extrahatur, & denuò tumultetur, licentiam concedimus, & impertimur. In quorum &c.

N. Episcopus N. (sive Vicarius Generalis)

Loco ✠ Sigilli.

N. Cancellarius Episcopalis.

ADNOTATIONES.

1. **CUJUSDAM N. LAICI.** Si enim Cadaver occisi esset personæ Ecclesiasticæ, licentia pro recognitione faciendâ corporis delicti, esset impetrandâ à Sacra Congregatione Immunitatis, juxtâ distinctionem, quam faciunt Decreta, quæ refert Pignatell. *consult. 122. num. 4. tom. 4.* & reassumit Raynald. *obser. Crim. tom. 1. c. 1. §. 11. n. 45.*

2. **PER NOS LICENTIAM CONCEDI.** Solus Episcopus, sive ejus Vicarius Generalis licentiam exhumandi Cadavera Laicorum pro recognitione faciendâ concedit, etiâ si fuerint sepulta in Ecclesiis Regularium, Januen. *prax. cap. 41. n. 10.* Bellet. *disq. Cler. par. 1. tit. 1. §. 5. n. 148. & 149.* Samuel. *de sepult. tract. 1. disp. 4. contr. 13. n. 23.* ubi Decretum Sac. Congr. per extensum refert, Raynald. *dicto cap. 1. §. 11. n. 26.* Sac. Congr. *Immunitatis 8. Augusti 1645. infra referendo.*

3. **IN HOC CASU INCLINATI.** Potest Episcopus, si itâ sibi expedire videatur ad evitandum aliquod inconueniens, licentiam absolute denegare, Sperell. *decis. 51. n. 17. resol. Crimin. verb. recognitio resol. 2. n. 3.* quos rejecto Januensi sequitur Raynald. *ubi supra dicto n. 35.*

4. **PRÆMISSA PROTESTATIONE,** juxtâ dispositionem *cap. Prælati de homic. in sexto,* & hoc fit ad cauthelam, non autem de necessitate, ut aliis adductis advertit D. Raynald. *ibid. n. 36.*

5. **EXTRA DICTAM ECCLESIAM, ET LOCUM IMMUNEM.** Quia in hac

re auctores Criminalistæ variè, & nimis confusè loquuntur, curavit illos conciliare, & ad concordiam reducere Raynald. *in dicto cap. 1. §. 11. num. 25. & seqq.* qui firmare videtur, Episcopum permittere posse Judici Laico, ut recognitionem Cadaveris faciat in loco immuni non sacro, & allegat pro se Decreta Sacræ Congregationis Immunit. *in Syppontina 12. Maii 1604. & in alia 2. Martii 1639.* necnon Sperell. & Conciol.

6. At contra hunc D. Raynald. assertum (ni fallor) urget posterius Decretum ejusdem Sac. Congreg. *Immunit. in Maceraten. 8. Augusti 1645.* de quo ipse nullam mentionem facit, quia fortè non vidit, quod ex originali registro depromptum hic per extensum referam. Præposito jussu Sanctissimi D. N. iterum dubio, videlicet *— An Episcopi possint, & debeant concedere Judicibus Laicis ad effectum recognitionis, & probationis corporis delicti facultatem exhumandi Cadavera, examinandi vulneratos, testes, & similes in Ecclesiis, & aliis locis immunibus, & an id sit permissum facere Superioribus Regularibus in Ecclesiis, & locis immunibus Ordinum Regularium.*

Die 8. Augusti 1645. Sacra &c. prævia matura discussione, & de communi PP. consensu, censuit standum esse in decis. sub die 2. Maii 1629. Scilicet Episcopos posse corpora exhumanda, vulneratos, & testes extrahere facere extra Ecclesias, & loca immunita ad effectum recognitionis, & probationis corporis delicti per Judices, & Ministros Laicos facien. pro eorumdem Episcoporum arbitria rectè tamen regulato:

Non

Non autem posse facultatem concedere eisdem Judicibus, & Ministris Laicis in Ecclesiis, & aliis locis immunibus actum aliquem recognitionis Cadaverum, seu examinis vulneratorum, & testium, nisi in casu urgentis necessitatis, quando Summus Pontifex commode adiri non potest; ideoque pro eorundem Episcoporum arbitrio rectè tamen regulato. Superioribus verò Regularium minimè licere etiam in Ecclesiis, & locis immunibus ipsorum Regularium, sed id ad solos Episcopos spectare. Lib. 1. Decret. Pauluc. fol. 259. & simile huic assert aliud Panimol. decis. 95. adnot. 1. num. 22.

7. Juxtà hujus igitur individui Decreti lecturam, prohibitio, quæ de jure viget adversus Judices Laicos exercendi jurisdictionem in locis immunibus absque facultate Sedis Apostolicæ, non solum comprehendit Ecclesias, & Cæmeteria, ad quæ illam restringit D. Raynald. sed etiam alia loca immunia non sacra, quia verba illa --In Ecclesiis, & aliis locis immunibus, in Decreto contenta, restrictionem Raynaldi non patiuntur tamquam indefinita, & loca quomodocumque immunia includentia, propter dictionem illam aliis, cujus indoles est denotare diversitatem ab antecedenter expressis, cum sit nota similitudinis: Simile enim non est idem, ut eadem dictione perpena firmavit Rot. coram Cerro dec. 616. n. 5. & 6. ac reperi declarasse eandem Sac. Congr. Immunit. in una Anagnina 21. Januarii 1659. in qua dicitur--Moneatur Episcopus, ipsum non potuisse dare licentiam faciendi recognitionem, & examinandi testes in loco immuni. Lib. Decret. Rocii fol. 146.

8. Et huc colliminat aliud Decretum Sac. Congr. Episcop. & Regular. emanatum in Bononien. 20. Maii 1616. in quo Cardinali Capponio ita responsum datur --Cum ministri Illustrissimi Domini Card. Capponii quemdam vulneratum à Conventu Sancti Jacobi Fratrum Ordin. Sancti Augustini, in quo se receperat, extrahi, carcerari, examinarique fecissent -- Sac. Congr. eundem Illustriss. monitum voluit, quod facultates extrahendi delinquentes ab Ecclesiis, & Monasteriis per Sanctissimum sibi concessæ non se extendunt ad illos, qui in dictis Ecclesiis se recipiunt, & in quorum

personas delicta perpetrata fuere.

9. Ex quo Decreto clarè percipitur, quòd facultas, quæ datur à Sede Apostolica exercendi actus jurisdictionales in locis immunibus, non restringitur ad sola loca sacra, sed complectitur Monasteria, quæ sunt ratione annexionis immunia, in quibus Episcopus non dispensat.

10. Cauti propterea legendi sunt, Nicol. lucub. civil. lib. 1. tit. 8. de immunit. Eccles. num. 37. vers. hinc est, Pignatell. cons. 122. num. 4. tom. 4. Conciol. res. crim. verb. recognitio resol. 2. num. 5. tenentes cum Raynald. posse per Judices Laicos de sola licentia Episcopi recognitiones Cadaverum fieri, & vulneratorum, ac testium examen recipi in loco immuni non sacro: Nam eorum opinio non est tuta, sed opposita Decretis suprà relatis.

11. Quando verò licentia exhumandi, aut extrahendi, vel examinandi daretur ab Episcopo Judici Laico, vigore commissionis obtentæ à Sac. Congr. Immunit. (quæ passim solet concedere pro octo casibus) tunc si est pro examine, ad datur in licentia clausula--Dummodo vulneratus sponte se supponat examini, ne Judex Laicus videatur uti jurisdictione contentiosa in loco immuni: Et si vulneratus, aut offensus esset Regularis, qui existeret in Monasterio; tunc recognitio fieri poterit à Curia Episcopali, prout fieri jussit Sac. Congr. immunit. in Burgi S. Sepulchri 13. Novembris 1629. lib. 2. Decret. Pauluc. fol. 12. tergo.

Licentiæ extrahendi Delinquentem, à loco immuni.

FORMULA VIII.

SUMMARIUM.

- 1 Licentia extrahendi delinquentem à loco immuni, non debet ab Episcopo concedi, nisi constituto aliquo modo de delicto excepto.
- 2 Licentia extrahendi à loco immuni in